

Jaiotzak % 12,5 jaitsi ziren 2021eko lehen hiruhilekoan EAEn

Hilabeteka, nabarmentzekoa da urtarrileko beherakada, % 18,1ekoa, hain zuzen

2021eko lehen hiruhilekoan, 3.298 jaiotza izan ziren EAEn, hau da, % 12,5 gutxiago aurreko urteko aldi berarekin alderatuta, Eustatek landutako datuen arabera. Jaiotzen kopuruak behera egin du hiru lurraldeetan: Bizkaian % 14,7, Gipuzkoan % 11,6 eta Araban % 7,7. Zehazki, Bizkaian 1.612 haur jaio ziren, 1.133 Gipuzkoan eta 553 Araban.

Hilabeteka, 2020arekin alderatuta, jaitsiera bereziki nabarmena izan zen urtarrilean (% 18,1), % 13,7koa otsailean eta % 6koa martxoan.

Amaren adinaren arabera, 30-34 urteko amen taldea dago buruan, jaiotzen % 36,5ekin. Jarraian, 35-39 urteko taldea dago (% 34,7), eta ondoren 25-29 urteko taldea ere. Hala ere, azken talde horrek % 13,2ko ekarpena besterik ez du egiten.

2020ko hiruhileko berarekin alderatuta, 40 urterekin edo gehiagorekin ama izan diren emakumeen kopuruak behera egin du: 2020an 406 ziren, eta 2021ean 323. Emakume horiek sortutako jaiotzak guztizkoaren % 9,8 izan dira (% 10,8 2020an), 25 urtetik beherako amenak baino % 5,9 gehiago. Ama ezkongabeen amatasun-adina amen osotasunarena baino txikiagoa da, eta nabarmentzekoa da haien % 9,1 25 urtetik beherakoak zirela.

Ezkontzatik kanpoko jaiotzak guztizkoaren % 48,9 izan ziren, 2020ko lehen hiruhilekoan (% 44,7) baino gehiago. Bizkaiak eta Arabak EAEk baino balio altuagoak dituzte (% 52,8 eta % 49,9, hurrenez hurren); Gipuzkoan, berriz, ehuneko hori txikiagoa da (% 42,9).

Jaiotza-hurrenkeraren arabera, 2021eko lehen hiruhilekoan jaiotzen % 48,5 (1.599 haur) lehenjaioenak izan dira, 1.291 (% 39,1) beste jaiotza bat izan duten familiei dagozkien, eta % 12,4ra hurrenkeran hirugarrenak edo ondorengoak diren jaiotzei (2020ko hiruhileko berean baino 0,8 puntu azpitik).

Atzerriko nazionalitatea duten amen ehunekoak behera egin du

Euskal Autonomia Erkidegoan 2021eko lehen hiru hilabeteetan izandako jaiotzen % 25,7tan, amak atzerriko nazionalitatea zuen (2020ko hiruhileko berean baino ehuneko 3,1 puntu azpitik). Kolektibo horretako amen kopurua % 22 jaitsi zen bi aldien artean, eta Espainiako nazionalitatea dutenen artean, berriz, % 8,6. Araban, atzerriko nazionalitatea duten amen proportzioa % 30,6koa izan zen, Bizkaian % 25,3koa eta Gipuzkoan % 23,7koa.

Herrialde amerikarretako nazionalitatea duten amen jaiotzek dute pisu handiena atzerriko amen artean, baina haien kopurua, 380 jaiotza, % 25,8 jaitsi da 2020ko lehen hiruhilekoaren eta 2021ekoaren artean. Pisu handiena duen bigarren taldea Afrikako herrialdeetako nazionalitateak dituzten amena da (252 jaiotza). Talde horrek % 18,4 behera egin du bi aldien artean.


Bizirik jaioak, lurralde historiko, amaren adina, amaren egoera zibila, amaren nazionalitatea eta jaiotza-ordenaren arabera (1)

	Oraingo hiruhilekoa (2021/I)		Aurreko hiruhilekoa (2020/IV)		Aurreko urteko hiruh. bera (2020/I)	
	Kop.	%	Kop.	%	Kop.	%
Euskal AE	3.298	100,0	3.428	100,0	3.770	100,0
Araba / Álava	553	16,8	544	15,9	599	15,9
Bizkaia	1.612	48,9	1.745	50,9	1.890	50,1
Gipuzkoa	1.133	34,4	1.139	33,2	1.281	34,0
Amaren adina	3.298	100,0	3.428	100,0	3.770	100,0
≤ 24 urte	193	5,9	241	7,0	234	6,2
25 - 29 urte	435	13,2	473	13,8	533	14,1
30 - 34 urte	1.203	36,5	1.205	35,2	1.292	34,3
35 - 39 urte	1.144	34,7	1.124	32,8	1.305	34,6
≥ 40 urte	323	9,8	385	11,2	406	10,8
Amaren egoera zibila	3.298	100,0	3.428	100,0	3.770	100,0
Ezkontua	1.685	51,1	1.746	50,9	2.085	55,3
Ezkontgabea	1.613	48,9	1.682	49,1	1.685	44,7
Amaren naziotasuna	3.298	100,0	3.428	100,0	3.770	100,0
Espainiarra	2.452	74,3	2.399	70,0	2.684	71,2
Atzeritarra	846	25,7	1.029	30,0	1.086	28,8
Jaiotza-hurrenkera	3.298	100,0	3.428	100,0	3.770	100,0
Lehenengoa	1.599	48,5	1.713	50,0	1.851	49,1
Bigarrena	1.291	39,1	1.275	37,2	1.423	37,7
Hirugarrena edo gehiago	408	12,4	440	12,8	496	13,2

(1) Oraingo eta aurreko hiruhilabeteko datuak behin-behinekoak dira

Iturria: Eustat. Jaiotzen estatistika

Euskal AEn erregistratuta dauden eta Euskal AEn bizi den ama batengandik bizirik jaioak



Iturria: EUSTAT. Jaiotzen Estatistika

Informazio gehiago:

Eustat - Euskal Estatistika Erakundea / Instituto Vasco de Estadística

Donostia kalea, 1 - 01010 Vitoria-Gasteiz

Prentsa-zerbitzua: servicioprensa@eustat.eus Tel.: 945 01 75 62